

dies atque noctes crebris aggressibus continuatum plurimos
hinc inde prostravit, ubi de exercitu imperatoris cecidere
episcopus Leodiensis et abbas Wissenburgensis et nonnulli
alii viri militares. Sed de parte Romanorum plures numero

fol. 109.

Per idem tempus Philippus rex Francorum et rex Anglie
multique dictorum et aliorum regnorum principes et
barones expeditionem peregrinationis ad terram sanctam
contra Sarracenos invicem condixerunt. Hac igitur fama ad
noticiam soldani Sarracenorum principis deducta idem sol-
danus Clementi pape quinto ridiculosam epistolam desti-
navit, ¹²⁷que (apud multos usque hodie) percripta servatur. Et
quia desolacionis ipsius terre sancte tempora adhuc resta-
bant, dispositione divini consilii taliter ordinante prefata
expeditio terre sancte remansit infecta. Nullus enim dictorum
regum et principum prout disposuerant transfretavit.

Imperator itaque Henricus nil credens actum, dum adhuc
aliquid superesset agendum, ad anteriora prospiciens et
neglecta imperii cura toto conatu recuperare satagens, multa
loca civitates et terras imperii bellare requisivit, multa
fortiter et gloriose agens et quocunque se vertebat optata
et prospera consequens, adeo ut dici posset de eodem, quod
victorie gloria ipsum precedebat potius quam sequebatur.

Lucan. Chansel. I

1313 aug. 24.

cf. Hist.

Sed quia fatorum ordine prosperis semper contraria se
admiscent, dictus princeps, antequam opere compleret, que
mente conceperat, de hac vita est sublatus. Fortur autem
et habet relatio multorum, quod, cum idem princeps

¹²⁸ deducta cod. ¹²⁹ papa cod.

¹³⁰ Thobaldus. ¹³¹ Egidius.

¹³² Quam invenies in Hist. imp. et pont. Clonien. i.

1313 apr.

1310 oct.